

“ҲОКИМЛИК СОАТИ”: МУҲОКАМАДА ДОЛЗАРБ ВАЗИФАЛАР

Бугун, 2 декабр куни Ўзбекистон тумани ҳокимлигига навбатдаги ҳокимлик соати йиғилиши бўлиб ўтди. Унда туман ҳокими ўринбосарлари, ҳокимлик аппарати масъул ходимлари, ҳуқуқни муҳофаза қилувчи идоралар, корхона, ташкилот ва муассасалар раҳбарлари ҳамда оммавий ахборот воситалари ходимлари иштирок этди.

Йиғилишни туман ҳокими Қахрамонжон Джураев бошқариб борди.





“Ҳокимлик соати”да туманда жисмоний ва юридик шахслардан келиб тушган мурожаатларни ўз муддатида ҳал этиш, ёшларга оид давлат сиёсати, вояга етмаганлар ўртасида ҳуқуқбузарлик ва жиноятчиликнинг олдини олиш чоралари, Олий Мажлис Қонунчилик палатаси, Халқ депутатлари вилоят, туман ва шаҳар кенгашлари депутатлари сайловларига тайёргарлик кўриш ва уларни ўтказиш борасида олиб борилаётган ишлар муҳокама қилинди.

Шунингдек, йиғилишда тадбиркорликни қўллаб-қувватлаш борасидаги ислоҳотларни туманда изчил амалга ошириш, қиши мавсумида аҳолига сифатли коммунал хизмат кўрсатиш, кўп қаватли уй-жойлар, иқтисодиёт тармоқлари ва ижтимоий соҳа обьектларини қиши мавсумида тўлиқ шай ҳолатда ишлашини таъминлаш, фермер хўжаликларида қишки агротехник тадбирларни сифатли амалга ошириш чоралари каби масалалар кўриб чиқилди.

Кун тартибидаги масалалар юзасидан мутасадди ташкилот раҳбарларининг ҳисботлари тингланди.

Йиғилишда туманда ижро интизоми сифатини кучайтириш юзасидан аниқ чоратадбирлар белгиланиб, ижрога қаратилди.